



Starfsreglur aganefndar HSÍ

1. gr. Skipun

Aganefnd HSÍ starfar samkvæmt lögum HSÍ og reglugerð HSÍ um agamál og leysir úr málum eftir ákvæðum þeirra laga og reglna. Aganefnd skal skipuð 3 mönnum, sem stjórn HSÍ tilnefnir og einn til vara. Skal a.m.k. einn aðalmaður vera löglærður og skal varamaður einnig vera löglærður. Stjórn HSÍ tilnefnir formann nefndarinnar en að öðru leyti skiptir nefndin með sér verkum.

2. gr. Starfshættir aganefndar

Aganefnd heldur fundi að jafnaði einu sinni í viku á þriðjudögum. Sjá nánar gr. 2 í reglugerð HSÍ um agamál.

3. gr. Hlutverk og verkefni

Aganefnd skal úrskurða um þau atriði, sem fram koma í atvikaskýrslum dómara og/eða eftirlitsmanna HSÍ í leikjum í Íslandsmóti, bikarkeppni og meistarakeppni. Jafnframt úrskurðar nefndin um önnur mál sem framkvæmdastjóri HSÍ eða aðrir, sem til þess hafa heimild, beina til nefndarinnar eða nefndin telur ástæðu til að hafa afskipti af vegna handknattleiksleikja sem fram fara á Íslandi enda fjalli ekki aðrir um þau.

4. gr. Önnur störf

Aganefnd skal annast önnur þau störf, sem stjórn HSÍ kann að fela henni á hverjum tíma.

5. gr. Ágreiningsmál

Stjórn HSÍ sker úr öllum ágreiningsatriðum, sem kunna að rísa út frá reglum þessum.

6. gr. Gildistaka

Starfsreglur þessar taka þegar gildi.

Samþykkt af stjórn HSÍ 26.september 2016.